

Na osnovu člana 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), člana 54. stava (1) tačke b) i člana 56. Poslovnika o radu Vijeću ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na 54. sjednici, održanoj 28.07.2022. godine, pod tačkom 128, donijelo je

ZAKLJUČAK

1. Vijeće ministara Bosne i Hercegovine upoznalo se s Godišnjim konsolidiranim izvještajem interne revizije za 2021. godinu.
2. Zadužuju se Ministarstvo sigurnosti Bosne i Hercegovine, Direkcija za koordinaciju policijskih tijela BiH i Agencija za pružanje usluga u zračnoj plovidbi – BHANSA da u što kraćem roku poduzmu i okončaju sve potrebne radnje vezano za usklađivanje svojih pravilnika o unutrašnjoj organizaciji u dijelu koji se odnosi na internu reviziju s relevantnim propisima.
3. Zadužuju se Ministarstvo finansija i trezora BiH, Ministarstvo odbrane BiH, Ministarstvo komunikacija i prometa BiH, Ministarstvo pravde BiH, Ministarstvo civilnih poslova BiH, Ministarstvo vanjske trgovine i ekonomskih odnosa BiH, Ministarstvo sigurnosti BiH i Direkcija za koordinaciju policijskih tijela BiH, kod kojih nisu u potpunosti kadrovski popunjene jedinice interne revizije, da zajedno sa Ministarstvom finansija i trezora BiH osiguraju sredstva i provedu procedure zapošljavanja internih revizora u 2022. godini.
4. Zadužuje se Agencija za pružanje usluga u zračnoj plovidbi – BHANSA, u okviru koje je propisana obaveza uspostavljanja jedinice interne revizije, da osigura neophodna sredstva i provede procedure uspostavljanja jedinice interne revizije i zapošljavanja internih revizora u 2022. godini.
5. Zadužuju se rukovodioci jedinica interne revizije da pripreme i u saradnji s rukovodiocima institucija donesu godišnji plan obuka osoblja interne revizije i osiguraju potrebne uslove za njegovu implementaciju, kako bi osoblje interne revizije moglo ispuniti svoje obaveze u pogledu propisane kontinuirane profesionalne edukacije internih revizora, u skladu s relevantnim propisima i zahtjevima standarda interne revizije.
6. Zadužuje se Centralna harmonizacijska jedinica Ministarstva finansija i trezora BiH da prati ispunjavanje obaveze kontinuirane profesionalne edukacije osoblja interne revizije u institucijama Bosne i Hercegovine i da, u slučajevima nepoštivanja propisa koji regulišu ovu oblast, preispita adekvatnost i kompetentnost internih revizora u pogledu profesionalnih kompetencija potrebnih za kvalitetno izvršavanje radnih zadataka, od strane osoblja interne revizije koje nije ispunilo propisanu obavezu kontinuirane profesionalne edukacije.
7. Zadužuje se Ministarstvo finansija i trezora BiH da osigura neophodne uslove za funkcionalno uspostavljanje i funkcionisanje PIFC aplikacije od strane institucija BiH.
8. Zadužuje se Centralna harmonizacijska jedinica Ministarstva finansija i trezora BiH da osigura obuku i uputstvo za interne revizore u institucijama Bosne i Hercegovine o načinu primjene PIFC aplikacije.
9. Zadužuju se institucije BiH i zaposleni u jedinicama interne revizije da pruže svu neophodnu podršku Centralnoj harmonizacijskoj jedinici Ministarstva finansija i trezora BiH i Ministarstvu finansija i trezora BiH na uvođenju i primjeni PIFC aplikacije.

10. Zadužuju se rukovodioci jedinica interne revizije i interni revizori u institucijama Bosne i Hercegovine da se u obavljanju svojih radnih zadataka u potpunosti pridržavaju metodologije i uputstava Centralne harmonizacijske jedinice Ministarstva finansija i trezora BiH koji, između ostalog, podrazumijevaju i dosljednu primjenu PIFC aplikacije u skladu s uputstvom o načinu njene primjene.
11. Zadužuje se Ministarstvo finansija i trezora BiH i Centralna harmonizacijska jedinica Ministarstva finansija i trezora BiH da Godišnji konsolidirani izvještaj interne revizije za 2021. godinu dostave Parlamentarnoj skupštini Bosne i Hercegovine.

Broj: 05-07-1-1101-1143, od 28.7.2021 godina
Sarajevo,



Predsjedavajući
Vijeća ministara Bosne i Hercegovine
Zoran Tegeltija

Zoran Tegeltija